



[www.BibleForChildren.org](http://www.BibleForChildren.org)




Sion 14



Iesu viteni min meatin keil onen vit, "Minandemkotei ka minalongtei natisa. Mihekur anatin en Ahi, ka mihekur anatin enau mun. En out koa Tata onak ro ien, out tatoien houlu amul ien. Ka inau niha nisak mesein out ven kami."



"Koanek anatin, veni munak rovitei anatin marvitentei min kami. Ka veni anatin keke niha nisak mesein out ven kami, anatin imok keke nimai ris ka nikur kami mihemai hetal minau. Hesakini, kami miheto en out koa inau nito ien."



Inau navi Sion, tuomi tai veni demkatien orer en  
Iesu Kristo vatte tas. Suval kami, namul  
nakur mahien ten sakvisien keil ral

min rendemien koa taveah  
navong namul narosin



hiasuvien onen Ahi  
vamai vakistal.




Aling inau en eim takeih en titi aelan ten out  
Patmos veni namul navitehiten asa koa  
Ahi vothot eni minau ka anatinien

usil Iesu min meatin keil.




Hatte tas, Ninin onen Ahi sienau ka nales tai koa mul  
rondan en vulin ten keihoen en out nesa.



Evus, nalong rea onen tounah vasi keil koa amoul  
amusau: koakeil ten out nesa ka ten out netan;  
koakeil ten huinev ten atan ka en  
atas. Anatin, nalong keil vasi amul  
amusau avit, "Hetetamenien ka  
keihoen mul en kei koa rondan en  
mari vulin ten keihoen ka en kei  
koa suval sipsip  
ten sanien votut!  
!Keilu luvinvin  
keke luvakur  
masmasien ka  
houhouen  
onomai lises ka  
lisenges!"




Nales taon ten out Serusalem koa vi heite hau, kei mun kistal. Anatin, Taon Votut onen Ahi mul mita netan ran out nesa ven Ahi. Nalesi keke taon enek tahos imok suval ahin koa musin revi kei ven tetaliheien onen keke vaha vales meatin onen.







Evus, nalong rea takeih tai selus ka vesesal en mari  
vulin ten keihoen onen Ahi vit, "Kosa, teim onen Ahi  
mul ral min meatin keil ten out netan! Kei heto hetal  
min keil, ka keil ihi meatin keil onen. Ahi kei enges  
varei heto hetal min keil, ka hehi Ahi one."



Evus, angelo rie lati minau oaisal koa oai ten moulien  
mul muloh eni. Nalesi mekaikai ka vilahil suval kilas  
koa meteiai ritin eni, ka mul mue ran mari vulin ten  
keihoen onen Ahi ka onen kei koa suval sipsip.



Taon enek, muohien onen Ahi enges ritin eni, ka kei  
koa suval sipsip vi meneai teni. Sakini meatin keil teni  
armundem ramat entei meteiai vuo avati.



En taon enek, meatin koa sak kalkali, vuo koa mumon  
tounah tatisaso, vuo koa mul luvos, vulie hetovuol  
ien. Ka koakeil enges ise  
amutisi en Tus ten  
Moulien onen kei koa  
suval sipsip, keil  
enges akilea iha ka  
ito en taon enek.




“Kei houul siamet ran mete. Matien  
ka tangien hetovuol emun, isien ka  
mahien hevus varei. Veni saken keil  
telamu ten mahien ka matien irlestei  
mun.”




En out enek, sesendaen hetovuol emun. Mari vulin  
ten keihoen onen Ahi ka onen kei koa suval sipsip  
luhel en taon enek, ka meatin vasi keil onen koa avi  
eiloheh keil onen iha netan mini.


Keil iles veinan,  
ka isen itisi hel  
en veinae.



Ka nales meatin vasi keil koa umatmat amulomal  
vesesal en mari vulin ten keihoen, hetetamen keil vita  
rokol meatin kuren keil, koakeil amarite vita rokol  
koakeil avi havipi. Evus, nalesi avue tus keil koa  
amutis kat sakiem vasi keil onen meatin  
retai mul ien. Ka avue tus tamun,  
Tus ten Moulien, koa amutis  
kat isen meatin keil  
mul ien koa ikur  
moulien ten  
lisenges.




Evus, Ahi lei rahit usite onen meatin vasi keil enek  
musil sakiem keil one koa amutis kati mul ien.  
Navong avuli Tus ten Moulien koa amutis kat isen  
meatin keil koa ikur moulien ten lisenges,  
koakeil arvotintei isei mul ien, ason  
keil uva en vuli ahang enek.






Ninin onen Ahi ka ahin onen kei koa suval sipsip mul  
viso vit, "Almai!" Koakeil vasi ilong hothotien koanik  
ihiteni mun ihit "Almai!"



!Kami keil maroro kat kami, alma! Anatin, mihemai  
mihemun oai koa hesan moulien ten lisenges min kami.  
Asa maen oai enek vi sanien tai min koakeil e vati  
avamai avakuri.



Veni envatien onen Ahi mul en  
meatin vasi keil ten out netan houlu  
vis houlu mok, mae lat Natnali tas.  
Ka koakeil vasi akur anatin  
eni irvuoltei, ka ikur  
moulien ten  
lisenges.



Rom 3:23

Veni meatin vasi keil amumon tisaen, asakras avatokol hetetamenien koa Ahi ling kati keke meatin keil avato ien.

Rom 6:23

Veni ui umen ten tisaen keil orer vi matien. Ka Ahi mul sa maen moulien ten lisenges suval sanien tai min koakeil vasi akapil vituai ral min Iesu Kristo, Asuv orer.

Hib 9:27

Ahi ling kati keke meatin vasi imat avong hetas. Ka hekatau, keil ilomal en meten en mari kot onen keke valei rahit usite one.



## Efes 2:8,9

Anatin, ka en more envatien onen Ahi enges, kei mutut kami veni mimul miling desien onami en Kristo. Mirkurtei moulien ten lisenges vaka en etai tounah koa kami enges mimumoni. Vuo, moulien ten lisenges enek vi sanien tai koa Ahi varei mul sani. Anatin, moulien enek rovitei uiumen onenetai meatin keke kilea vahasi kei veni.

## Rom 10:9,10

Veni munak mivit leini en ongomi keke Iesu vi Asuv, ka mikur anatin eni en tinomi keke Ahi rali lati ran matien, Ahi houtut moulien onami. Veni navong meatin tai kur anatin eni en tin, Ahi lesi mal tuai en meten. Ka navong vit leini en ongon, Ahi mutut moulien onen tuai.



## Sion 3:16,17

Veni envatien onen Ahi mul en meatin vasi keil ten out netan houlu vis houlu mok, mae lat Natnali tas. Ka koakeil vasi akur anatin eni irvuoltei, ka ikur moulien ten lisenges. Ahi rosantei Natnali vamita en out netan keke valei rahat usite onen meatin keil ven sakien tisa keil one. Vuo, Ahi san Natnali mita keke voumon sise voutut meatin keil ten out netan.

## 1 Sion 5:11-13

Asa koa Ahi mul viteni keie: Ahi san moulien ten lisenges min ir, ka mumon Natnali vi sise teni. Sakini, meatin koa kur Natin Ahi en moulien onen, kei kur moulien ten lisenges. Ka meatin koa rokurtei Natnali en moulien onen, kei rokurtei moulien ten lisenges. Namul namutis va min kami koa mikur anatin en Natin Ahi keke miheilea mikur moulien ten lisenges tuai.



Sion 14; 2 Korin 5; Rev 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Paama Bible (pma) © 2016, Wycliffe Bible  
Translators, Inc. All rights reserved.

<https://live.bible.is/bible/PMAWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

